

漢魏木簡義證

墨邊題

漢魏木簡義證

鎮江陳邦福墨邊著

昌叩頭言

□□□□□□母恙問者存聞百字昌□□

□□□□□□□□□□昌今□□下

昌萬二死二唯當□□且毋望也即因往各西□

案漢書西域傳載桑弘羊與丞相御史奏有云臣謹遣徵事

臣昌分部行邊嚴敕太守都尉明塗火選士馬謹斥候蓄艾

艸簡中云昌叩頭言疑即徵事臣昌也簡又云間者存聞百

字謂某先致問百言也簡末載即因往各西□云云殆即輪

臺西歟

兩兩永平五

年五月

損中燧長

案後漢書西域傳云西域長史張晏將焉耆龜茲車師前後部合三萬餘人討疏勒攻損中四十餘日不能下又班超傳云疏勒王忠說康居王借兵還據損中章懷注損中東觀記作頓中續漢及華嶠書並作損中本或作損今證之木簡與章懷所見或本正合燧即亭隧據西域傳云今請遠田輪臺欲起亭隧顏注隧者依深險之處開通行道也又說文𨾏部云𨾏塞上亭守塗火者也𨾏篆文𨾏省是燧為後起之字矣

大人坐前

耳嗟嗟
雖一小口

今月六日塊上月□

闕下

案漢書陳湯傳云我為單于遠來而至今無名王大人見將
軍受事者顏注名王諸王之貴者後漢書班超傳云宜遣大
人來迎章懷注大人謂酋長西域莎車傳云其大人都末出
城見野豕是匈奴西域皆以大人為酋長木簡謂大人坐前
正指酋長言也塊疑西域方音

長史鴻移

案鴻人名移謂移牒 家大人云後漢書鄧禹傳云少子鴻
永平中為小侯拜將兵長史率五營士屯雁門肅宗時拜度

遼將軍進宦 邦直 弟云西羗滇良羗傳後金城長史上官鴻

上開置歸義建威屯田二十七部是木簡之鴻必不出吾家

二說之一矣

闕上 □ 伯季男穆永鈴下季 闕下

闕上 □ □ □ □ □ 三月一日 □ 闕下

案漢官儀云衛尉屬官有鈴下侍閣辟車騎吏等員續漢志

云五伯鈴下侍閣門闌部署街里走卒皆有程品漢孟璇碑

云鈴下任曝又漢君車畫象亦有鈴下

稟受降卒 □ 奇正月一日三 □

萬年隊長吉守穀卒路翊記

案此受降城卒付米穀簡也稟有給義漢書西域傳云稟食以自贍可證受降疑匈奴傳之受降城簡文□奇為城卒之名簡又云正月一日三□三下作□疑為斛之量數吉萬年隊長名又守穀置卒據後漢書班超傳但當收穀堅守彼饑窮自降不過數十日決矣是簡文守穀有卒可補史闕

漢亭吏遂進言謹案文書居貧糧食常有

玄乏近日陳相自問求乞近假歸增益糧食今

案玄乏猶言懸乏釋名釋天云天又謂之玄玄縣也如物縣在上也

長安下□□□□里見少年子弟

下闕

山東臨江海距□□治有一小宅在

闕下

□王單騎兵

闕下

案簡文山上惜殘闕不完據漢書西域傳序云西域南北有大山中央有河又云于闐在南山下其河北流與葱嶺河合東注蒲昌海蒲昌海一名鹽澤者也簡云某山東臨江海疑西域傳之南山下東注蒲昌海距□□治疑亦于闐傳所謂都護治所歟

□玉門屯田史高稟放田七□給予陔刑十七人

案漢書西域傳云漢遣侍郎鄭吉校尉司馬熹將免刑罪人田渠犁積穀欲以攻車師又後漢書西域傳序云班勇為西

域長史將施刑士五百人西屯柳中簡文放田七□給予施
刑十七人足可參證

虜守亭郭不得燔薪舉

闕下

案此疑西域諸國叛匈奴時官吏不得乘間燔薪舉火也漢
書西域傳云西域諸國頗背匈奴欲大侵要死可殺校尉將
人衆降匈奴即將數千騎至校尉府脅諸亭令燔積薪顏注
示為塗火也又亭郭即亭隧之障張騫傳云酒泉列亭郭至
玉門矣是其證

闕上 弟 = 三日三夜週更 □

更卒胡 □

案急就篇云更卒歸誠自詣因顏注卒給使役者也更言其
去來更代王應麟補注云更有三品有卒更有踐更有過更
古者正卒無常人皆當迭為之一月一更是為卒更簡文二
日三夜週更疑漢代羗胡之制

玉門 告急 東果亭長 表到臺男子予卅□

將詣玉門倉甚急□爰有□

案漢書西域傳云今請遠田輪臺欲起亭隧簡文到臺謂到
輪臺也

五月丙戌東書一封都尉印記太守府日旦中時

案司馬彪續漢書云宋均為九江太守五日一聽事冬以日

中夏以平旦又近出鼓表簡云晨時鼓一通日食時鼓一通
日中時鼓一通旦中時殆晨時之異歟

□□□□□□□□□□五月

治所 入

案漢書西域傳各國恒以都護治所里數起界簡文治所非
都護治所即它簡西部候長治所也

小人銘杖自隨

案漢書西域傳云烏弋俗尚妄殺以金銀飾杖絕遠漢使希
至顏注杖謂所持兵器也

未亡及亡人通計丈夫女子子

下闕

未亡及亡人通計丈夫□□□_下

案漢書西域傳每國皆分戶若干口若干此當時算口簡歟

又周禮宮伯鄭注今時鄉戶籍有版亦可參證

入胡鐵大鋸一枚

案它簡亦有胡鐵小鋸釦十六云云胡為總名漢書西域傳

序云婁菟國山有鐵自作兵兵有弓矛服刀劍甲又說文金

部云鋸槍唐也

闕上□直九葦四十束_下

闕上直六百五十尺布直六十

闕上□五十買釜出百買練□_下

上 錢四十八□七

上 出錢十五買□

案漢書趙充國傳云今張掖以東粟石百餘芻藁束數十轉輸並起百姓煩擾顏注皆謂直錢之數言其貴簡文葦為芻藁惜四十束下直已殘脫不能與充國傳相參證

上 晨時鼓一通，日食時表一通，日中時表一通，

案漢舊儀云立夏立秋晝六十二刻夏至晝六十五刻夜漏不盡五刻擊五鼓夜漏不盡三刻擊三鼓簡文晨時鼓一通殆晨午漏轉皆擊一通歟

律曰諸使而傳不名取卒甲兵 未稼薄者皆勿擅予

案律為田律漢書西域傳云自敦煌至鹽澤往往起亭而輸
臺渠皆有田卒數百人置使者校尉領護顏注統領保護營
田之事也律云取卒甲兵與西域傳合律又云禾稼薄者皆
勿擅予薄有迫誼周禮秋官司師五禁鄭注引今野有田律
簡文禾稼云云實為田律與鄭注合

杜□叩頭白女遂之可毋恙問久不出前次音仍毋有也叩頭
□音前

先取經宜當立上勿使不在久 = 至今勿 = 更 = □八字布六
直百六一尺十

案杜下疑碩字人名女下當釋遂與簡文間久不出之誼正

合說文走部云遊逃也字一作遠漢鄭烈碑云遠而不悶是
其明證

□□□□□
其為十六人養
百人脩今八十五人
上一層

八十人戍休

曾作六百二十二人□格百三丈六尺三寸一分

案古格閣音假史記高帝紀云棧道崔浩云險絕之處傍鑿
山巖而施板梁為閣又漢李苞閣道題名云通此閣道簡文
格疑即閣字

□中隧陁刑許樂作三百三十□二日□□付三丈

案後漢書光武本紀云遣謁者分將施刑補理城郭簡文許

樂作三百三_个及付三丈云云當為補理城郭事矣又_个邦
福更疑為亭之異文

付予一牛付予一牛

□□白記□付予

案付予為漢人俗語急就篇云取受付予相因緣顏注言以
相付及受取領納皆緣丈尺斤兩以定其數故得分明無虧
失也付予一牛者蓋向人索牛耕作事也

豫飭刻畫無等雙

案急就簡云豫飭刻畫無等雙今各本多作豫飾說文衣部
云豫飾也从衣象聲象部云豫象之大者賈侍中說不害于

物从象予聲又詩君子偕老云象服是宜毛傳尊者所以為飾是賈侍中豫為象之大者之說殆為竹簡豫能假豫之切證

日不顯目兮黑雲多月不可視兮風非沙從恣蒙水誠江河州流灌注兮轉揚波辟柱模到忘相加天門狹小路彭池無因以上如之何興章教海兮誠難過

案此漢西域歌辭簡也非與飛為音假漢孔耽神祠碑以飛為非從恣言縱放也蒙水疑後漢書西域傳蒙奇之水蓋遠國也誠即成州流即周流模到疑莫到彭池疑彭沱教海疑教悔興章教海言起篇教悔也

耻工富薄一枚

案工上惜有闕文富薄疑搗簿

辛未七月箸稿甲戌三月辭印墨迹記于東臺玉帶橋